

## **Tall al Zaatar Fall Post**

اليوم ١٢ آب ذكرى سقوط معسكر تل الزعتر. مخيم بالاساس، صار معسكر، مربوط بانفاق تحت سن الفيل للنبعة. نُعطى كذا فرصة بشهادة الصليب الاحمر والاعلام الغربي للاستسلام، بس قال "ما بسلموا سلاحن لو شو ما كان". (بذكروكن بحدن اكيد، وهيدا حق، لو الموت عالباب، بس بالنسبة إلن استشهدا).

حتى انو الفلسطينيين قصفوا على المدنيين تبعولن يلي كانوا صاروا برات المخيم ت يسلموا حالن. قصة "مجزرة" تل الزعتر قصة بصدقها المسلمين واليساريين، انما تم تسليم اعداد كبيرة حتى من المقاتلين للصليب الاحمر.

اكيد في ضحايا ابريا كمان، للأسف هاي الحرب... الله يرحمن وكل شغلنا بهدف انو هيك امور ما تتكرّر... بس الحقيقة انو لو مجزرة، ما كان كلف ٣٥٠ شب من خيرة شبابنا وما كان اخذ ٥٢ يوم.

حتى صوب تلتين المعركة، الجبهة اللبنانية رفضت خطة حرق المخيم ضمن خطة مدروسة لاجباره عالاستسلام واجبار اخلائه، مشان الimage بالغرب، ويمكن كان معن حق لان الغرب كان بعدو متعاطف مع الفلسطينيين... بس كان عدد شهداءنا بوقتها حوالى ال ٢٧٠.

شكر كبير هون لاختوتنا السريان يلي قدموا تقريباً تلت الشهداء، خاصةً بأخر فترا.

ع اي حال، ما كان في حل ثاني بعد تمادي الفلسطينيين بخطف المسيحيين من المناطق المجاورة وقصن عليها، مع المساهمة بحصار بيروت تمهيداً لاسقاطها بعد ما كانت مطوّقة بمخيمات الكرنطينا وجسر الباشا، والغربية معن. اما شو كانوا يعملوا بالمسيحيين يلي يخطفوهن، بتمنى اقله تحضروا آخر دقيقة من الفيديو: وفق الصليب الاحمر يلي عابن كميات من الجنت "اللبنانية" المستنقة، كانوا يشيلولن دمن ليعطوا مقاتلين المصابين.

المجد والخلود لشهداءنا الابرار، والله يطّلع بالمعوقين،

ورسالة اولى الى المسلمين والمسيحيين اليساريين: لو خسرنّا، كانوا الفلسطينيين دعسوكن ومشيو و كان راح لبنان يلي بتتغنوا فيه اليوم،

"لبنان المقاومة"، لبنان "زياد"، لبنان التعايش، لبنان الحرية بكل ابعادها ومنها حرية التعبير، لبنان وارزاتو وسياحتو وجبرانو (ج خليل ج اكيد)... هول كلن ما كانوا...

ورسالة ثانية هاي الى احزابنا يلي صارت عابرة للطوائف ومن تبع الوحدة الوطنية والمحازبين يلي بدكن تجيبوهن من كل الطوائف (عكس المنطق)،

شهداءنا يستحقون احسن من هيك، يستحقون من يحمل قضيتنا بصراحة وامان.

الفيديو ع هيدا الرابط، ٦ دقائق كرامة يلي موتتن تركتلكن البلد رغم عله:

<https://la-aymtan.com/files/Videos/Tall%20al%20-%20Zaatar.mp4>